



N 21/870
13/02/2023

870-21-2-202302131720



შპს „სტანდარტ ცემენტს“

მის: ქ. რუსთავი, მშვიდობის ქ. N6ა

ელ. ფოსტა: didostati_888@mail.ru

სააგენტომ განიხილა თქვენი 2023 წლის 7 თებერვლის N865 განცხადებით წარმოდგენილი დამატებითი ინფორმაცია, რომელიც ეხება ქ. რუსთავში შპს „სტანდარტ ცემენტის“ ცემენტის საწარმოს ექსპლუატაციის პირობების ცვლილებაზე გარემოსდაცვითი გადაწყვეტილების მიღებას. როგორც სააგენტოს 2023 წლის 9 იანვრის N21/19 წერილით უკვე გეცნობათ, წარმოდგენილ გზშ-ის ანგარიშსა და თანდართულ დოკუმენტაციაში დაზუსტებას საჭიროებდა საქმიანობასთან დაკავშირებული სხვადასხვა საკითხები, რაც წარმოდგენილ დამატებით ინფორმაციაში არ არის სრულყოფილად გათვალისწინებული, კერძოდ:

- N865 განცხადებაში არსებული ჩანაწერი - „გათვალისწინებული არ არის წისქვილის განთავსება დახურულ შენობაში, რაც კიდევ უფრო შეამცირებს ხმაურის გავრცელების დონეებს“ გაუგებარია და საჭიროებს დაზუსტებას;
- როგორც სააგენტოს N21/19 წერილით გეცნობათ, წარმოდგენილ დოკუმენტაციაში მოცემულია იმ მიმდებარე საწარმოების ჩამონათვალი, რომელთა გაფრქვევებიც ფონის სახით გათვალისწინებულია ატმოსფერულ ჰაერში მავნე ნივთიერებათა გაბნევის კომპიუტერულ მოდელირებაში. თუმცა, გზშ-ის ანგარიშის თავში 6.11 (კუმულაციური ზემოქმედება) აღნიშნულია, რომ „როგორც აუდიტის პროცესში დადგინდა შპს „სტანდარტ ცემენტის“ მიმდებარე 500 მ-იანი ნორმირებული ზონის ფარგლებში არსებულ საწარმოებში მტვრის გავრცელების სტაციონარული წყაროები წარმოდგენილი არ არის.“ გზშ-ის ანგარიშში მოცემული ინფორმაცია ურთიერთსაწინააღმდეგოა და საჭიროებს დაზუსტებას, თუმცა დამატებით წარმოდგენილი დოკუმენტაცია აღნიშნულის შესახებ ინფორმაციას არ მოიცავს;
- ამასთანავე, სააგენტოს N21/19 წერილში მითითებულია არატექნიკურ რეზიუმეში საწარმოს მიმდებარე ობიექტების ჩამონათვალში შპს „ნიკა 2004“-ის განხილვის საკითხი, რაც N865 განცხადებაში განმარტებულია, რომ არატექნიკური რეზიუმე არ

საჭიროებს გზშ-ის ანგარიშში მოცემული ინფორმაციის სრულად გადმოტანას. აღნიშნულ საკითხზე N865 განცხადებით წარმოდგენილი პასუხი დაუსაბუთებელია. გარდა ამისა, არატექნიკურ რეზიუმესა და გზშ-ის ანგარიშში მოცემული სიტუაციური სქემები არ შეესაბამება ერთმანეთს, რაც საჭიროებს დაზუსტებას;

- როგორც სააგენტოს N21/19 წერილით გეცნობათ, გზშ-ის ანგარიშის თავში 6.11 (კუმულაციური ზემოქმედება) განხილულია მხოლოდ საწარმოს საზღვრებში არსებული დანადგარების ფუნქციონირებით გამოწვეული ხმაური და არ არის გაანგარიშებული საპროექტო ტერიტორიის მიმდებარედ, 500 მ-იან რადიუსში არსებული ობიექტების გათვალისწინებით ხმაურით გამოწვეული კუმულაციური ზემოქმედება. აღნიშნულთან დაკავშირებით N865 განცხადებაში განმარტებულია, რომ სხვა მიმდებარე საწარმოების გათვალისწინებით ხმაურით გამოწვეული კუმულაციური ზემოქმედების რეალური შეფასება ნაკლებად შესაძლებელია და მოყვანილია ვარაუდით ნაგულისხმევი ხმაურის დონეები. გზშ-ის ანგარიშში განხილული უნდა იქნას ხმაურით გამოწვეული კუმულაციური ზემოქმედება 500 მ-იან რადიუსში არსებული ობიექტის გათვალისწინებით და შესაბამისი გაანგარიშებით და დასაბუთებით;
- წარმოდგენილი დამატებითი ინფორმაციის თანახმად, საწარმოს ადმინისტრაციამ მიიღო გადაწყვეტილება პროექტით გათვალისწინებული 4 ერთეული 120 მ³ ტევადობის 4 სილოსის ნაცვლად მოაწყოს 2 ერთეული 240 მ³ ტევადობის სილოსი. გარდა ამისა, დამატებით ინფორმაციაში აღნიშნულია, რომ „2 ერთეულით შემცირდება გაფრქვევის წყაროების რაოდენობა, რაც გამოწვეულია ახალი მოსაწყობი სილოსების რაოდენობის შემცირებით.“ ვინაიდან ატმოსფერულ ჰაერში მავნე ნივთიერებათა ზღვრულად დასაშვები გაფრქვევის ნორმების პროექტში 120 მ³ მოცულობის 4 სილოსი განხილულია გაფრქვევის ერთ წყაროდ (გ-8), აღნიშნული საკითხი საჭიროებს დაზუსტებას. ასევე, ზემოაღნიშნულის გათვალისწინებით, წარმოდგენილ უნდა იქნას საქმიანობასთან შესაბამისობაში მოყვანილი, კორექტირებული ზდგ-ის ნორმების პროექტი, სადაც გათვალისწინებული იქნება ცვლილების ფარგლებში არა ოთხი 120 მ³, არამედ ორი 240 მ³ მოცულობის სილოსი;
- როგორც სააგენტოს N21/19 წერილით გეცნობათ, დაზუსტებას საჭიროებდა ინფორმაცია ტერიტორიაზე უკვე ჩატარებული სამუშაოების შესახებ. აღნიშნულთან დაკავშირებით N865 განცხადებაში მითითებულია, რომ „დღეისთვის ახალი წისქვილისათვის გათვალისწინებული შენობა-ნაგებობებისთვის მოწყობის სამუშაოები პრაქტიკულად დამთავრებულია და მიმდინარეობს წისქვილის სამონტაჟო და გაშვება-გამართვის სამუშაოები, ასევე 2 ერთეული 240 მ³ ტევადობის სილოსის მოწყობის სამუშაოები.“ ვინაიდან, ქ. რუსთავეში შპს „სტანდარტ ცემენტის“ ცემენტის საწარმოს ექსპლუატაციის პირობების ცვლილების პროექტზე სააგენტოში მიმდინარეობს ადმინისტრაციული წარმოება და გარემოსდაცვითი გადაწყვეტილება ჯერ არ გაცემულა, ზემოაღნიშნული ჩანაწერი სამუშაოების მიმდინარეობის შესახებ საჭიროებს დაზუსტებას.

გთხოვთ, ერთი თვის ვადაში უზრუნველყოთ დაზუსტებული/დამატებითი ინფორმაციის სააგენტოში წარმოდგენა. აღნიშნული შენიშვნების გათვალისწინებით დაზუსტებული ინფორმაციის წარმოდგენამდე სააგენტო მოკლებულია შესაძლებლობას იმსჯელოს გარემოსდაცვითი გადაწყვეტილების გაცემის თაობაზე.

თამარ ფიცხელაური

თ. ფიცხელაური

სააგენტოს უფროსი

სსიპ გარემოს ეროვნული სააგენტო

